




400 s. C.

1500 s. C.

1000 onns istorgia(s) da baselgia a Tumeagl

Exchavaziuns a Tumeagl, Sogn Murezi, mussan restanzas d'in grond complex da baselgia. Dals onns 650 fin 950 s.C. appartegneva latiers ina baselgia cun plirs edifizis d'abitar e d'economia, nua che ha probablmain vivì ina cuminanza clericala. La baselgia è vegnida transformada il temp carolingic d'ina sala rectangulara ad ina baselgia cun trais apsidas. La mesadad dal 10. tschientaner vegn il stabiliment bandunà ed i vegn construida ina nova sala da trais apsidas che ha servì fin a sia renunzia il 14./15. tschientaner sco baselgia parochiala cun santeri. Ils chats da Tumeagl (stgaudament a chanal cun restanzas da chamins a paraid, banc sacerdotal da trais stgalims cun in tron, grondas fuainas, bancs mirads, picturas da paraid) han ina valur da raritad per il Grischun.



Inscriziun tagliada en la maula, enturn 650



Santeri cun var 400 sepulturas

Mantegnair – examinar – intermediar

L'archeologia perscrutescha l'istorgia e la vita da generaziuns da pli baud. Ella gida ils umans d'encleger lur passà e lur derivanza e da concepì lur futur.

Il servetsch archeologic dal Grischun inventarisescha e protegia dapi l'onn 1967 ils lieus da chat ed ils chats dal chantun periclitads. El fa exchavaziuns ed è responsabel per ina conservaziun, per in deposit e per in'archivaziun moderna da chats e da documentaziuns. El intermediatescha ils resultats en moda fitg variada a la populaziun ed a la scienza e stgaffescha uschia ina conscienza per il ritg patrimoni cultural da noss chantun.



Amt für Kultur
Uffizi da cultura
Ufficio della cultura

Amt für Kultur Kanton Graubünden • Archäologischer Dienst • Servetsch archeologic • Servizio archeologico
Loèstrasse 26 • CH-7001 Chur • Tel. +41(0)81 257 48 50 • info@adg.gr.ch • www.archaeologie.gr.ch